

গণপ্রজাতন্ত্রী বাংলাদেশ সরকার  
মহিলা ও শিশু বিষয়ক মন্ত্রণালয়  
প্লাউ ইউনিট  
বাংলাদেশ সচিবালয়, ঢাকা।  
[www.mowca.gov.bd](http://www.mowca.gov.bd)

মহিলা ও শিশু বিষয়ক মন্ত্রণালয়ের আওতায় সামাজিক নিরাপত্তা কার্যক্রমসমূহ বাস্তবায়নের জন্য মহিলা বিষয়ক অধিদপ্তরে MIS Cell গঠনের নিমিত্তে সংশ্লিষ্ট Stakeholder-দের সমন্বয়ে অনুষ্ঠিত সভার কার্যবিবরণী।

সভাপতি	: জনাব কামরুন নাহার সচিব, মহিলা ও শিশু বিষয়ক মন্ত্রণালয়।
তারিখ ও সময়	: ০৭/১১/২০১৯ খ্রিঃ, রোজ - বৃহস্পতিবার, সকালঃ ১০.০০ ঘটিকা।
স্থান	: মহিলা ও শিশু বিষয়ক মন্ত্রণালয়ের সভাকক্ষ (ভবন নং-০৬, কক্ষ নং-৩২৩, বাংলাদেশ সচিবালয়, ঢাকা)।

উপস্থিত কর্মকর্তাবুন্দের তালিকা : পরিশিষ্ট-'ক'।

সভাপতি উপস্থিত সকলকে স্বাগত জানিয়ে সভার কাজ শুরু করেন। অতঃপর সভাপতির অনুরোধক্রমে জনাব মোঃ ইকবাল হোসেন যুগ্মপ্রধান (প্লাউ)/যুগ্মসচিব সভায় জানান যে, মহিলা ও শিশু বিষয়ক মন্ত্রণালয়ের বাংসরিক বাজেটের প্রায় ৭০ ভাগ ব্যয় হয় সামাজিক নিরাপত্তা কার্যক্রমে। এ মন্ত্রণালয়ের প্রধান সামাজিক নিরাপত্তা কার্যক্রমসমূহ হচ্ছে- দুঃস্থ মহিলা উন্নয়ন (ভিজিডি) কর্মসূচি (উপকারভোগী ১০.৪০ লক্ষ), দরিদ্র মা'র জন্য মাতৃত্বকালীন ভাতা কর্মসূচি (উপকারভোগী ৭.৭ লক্ষ), কর্মজীবি ল্যাকটেটিং মাদার সহায়তা তহবিল কর্মসূচি (উপকারভোগী ২.৭৫ লক্ষ)। ইতোমধ্যে মাতৃত্বকালীন ভাতা কর্মসূচি এবং ল্যাকটেটিং মাদার সহায়তা তহবিল কর্মসূচি দুইটি একত্রিত করে বিশ্ব খাদ্য কর্মসূচি (WFP) এর সহায়তায় Improved Maternity and Lactating Mother Allowance (IMLMA) Programme চালু করা হয়েছে এবং ০৮টি উপজেলায় এ কার্যক্রমের Piloting চলছে। পরবর্তিতে এ কার্যক্রমের নামকরণ করা হয়েছে মা ও শিশু সহায়তা কর্মসূচি (Mother and Child Benefit Programme) এবং এ কর্মসূচির সুষ্ঠু বাস্তবায়নের মাধ্যমে সামাজিক নিরাপত্তা কার্যক্রমসমূহ আরো Nutrition Sensitive করা সম্ভব হবে।

অর্থ বিভাগ কর্তৃক বাস্তবায়নাধীন Strengthening Public Financial Management for Social Protection (SPFMSP) শীর্ষক প্রকল্পের সহায়তায় মাতৃত্বকালীন ভাতা কর্মসূচি এবং ল্যাকটেটিং মাদার সহায়তা তহবিল কর্মসূচির জন্য একটি MIS (Management Information System) প্রস্তুত করা হয়েছে। উপকারভোগীদের তথ্য MIS এ ডাটা এন্ট্রি করে G2P পদ্ধতিতে গত ২০১৮-১৯ অর্থ বছর থেকে ভাতা প্রদানের কার্যক্রম গ্রহণ করা হয়েছে। এ কার্যক্রমের মাধ্যমে সুবিধাভোগীদের আবেদনপত্র গ্রহণ থেকে শুরু করে অর্থ বিতরণ পর্যন্ত সকল কার্যক্রম অপেক্ষাকৃত সহজিকরণ করা হয়েছে। এ কর্মসূচির মাধ্যমে সুবিধাভোগী নির্বাচন, তথ্য যাচাই-বাচাই, প্রক্রিয়াকরণ, সংরক্ষণ ইত্যাদি কার্যক্রমসমূহ বাস্তবায়নের জন্য মহিলা বিষয়ক অধিদপ্তরে একটি MIS Cell গঠন করা প্রয়োজন। এ পর্যায়ে বিশ্বখাদ্য কর্মসূচির প্রতিনিধি সভায় জানান যে, তারা ইতোমধ্যে মহিলা বিষয়ক অধিদপ্তরে একটি MIS Cell গঠনের কার্যক্রম শুরু করেছেন। এ জন্য একটি কক্ষ বরাদ্দ পাওয়া গিয়েছে এবং ICT বিষয়ে অভিজ্ঞ একজন কর্মকর্তা বিশ্বখাদ্য কর্মসূচির পক্ষ থেকে নিয়োগ প্রদান করা হয়েছে। কিন্তু এ কার্যক্রমের জন্য মহিলা

বিষয়ক অধিদপ্তরের নিজস্ব জনবল থাকা প্রয়োজন। MIS Cell গঠনের প্রয়োজনীয় জনবলের প্রস্তাব দুট মন্ত্রণালয়ে প্রেরণের জন্য সভাপতি মহাপরিচালক, মহিলা বিষয়ক অধিদপ্তর কে নির্দেশনা প্রদান করেন। এছাড়া অধিদপ্তরে সদ্য সংযুক্ত/পদায়নকৃত কর্মকর্তাদের মধ্য থেকে উপযুক্তদের এ কার্যক্রমে নিয়োজিত করা যায় কিনা, এ বিষয়ে প্রয়োজনীয় ব্যবস্থা গ্রহনের জন্য মহাপরিচালককে সভাপতি অনুরোধ করেন।

এ বিষয়ে অর্থ মন্ত্রণালয়ের প্রতিনিধি সভায় জানান যে, MIS Cell গঠনের জন্য জনবলের প্রস্তাব প্রেরণ করা হলে অর্থ মন্ত্রণালয় এ বিষয়ে দুট সম্মতি প্রদান করবে এবং জনপ্রশাসন মন্ত্রণালয় থেকে তা অল্প সময়ে অনুমোদন করিয়ে আনা যাবে মর্মে মতামত প্রদান করেন। নির্বাহী পরিচালক, Strengthening Public Financial Management for Social Protection (SPFMSP) শীর্ষক প্রকল্প, অর্থ বিভাগ, অর্থ মন্ত্রণালয় সভায় জানান যে, সামাজিক নিরাপত্তা কার্যক্রমের ভাতাসমূহ বর্তমানে G2P পদ্ধতিতে প্রদান করা হচ্ছে। কিন্তু চলতি অর্থ বছরে এখনও পর্যন্ত মাতৃত্বকালীন ভাতা কর্মসূচি এবং ল্যাকটেটিং মাদার সহায়তা তহবিল কর্মসূচি এর সুবিধাভোগীদের ভাতা পরিশোধ করা হয়নি। দুট ভাতাভোগীদের অর্থ ছাড়করণ ও পরিশোধ করা প্রয়োজন।

মহিলা বিষয়ক অধিদপ্তরের মহাপরিচালক সভায় জানান যে, মাতৃত্বকালীন ভাতা কর্মসূচি ২০১৯-২০২০ মেয়াদ উত্তীর্ণ ৩,৬২,৬২০ জন ও নতুন ৭০,০০০ জন ভাতাভোগী নির্বাচনের জন্য জেলা ও উপজেলায় বিভাজন করে প্রেরণ করা হয়েছে। ভাতাভোগী নির্বাচনের কাজ চলমান আছে। চলতি অর্থ বছরে ল্যাকটেটিং মাদার সহায়তা তহবিল কর্মসূচি এর আওতায় বৃদ্ধিপ্রাপ্ত ২৫,০০০ জন উপকারভোগীর জেলা ও উপজেলা-ওয়ারী বরাদ্দের বিভাজন অনুমোদনের জন্য গত ০১/০৮/২০১৯ তারিখে মন্ত্রণালয়ে প্রেরণ করা হয়েছে। এ কর্মসূচির আওতায় ২০১৬-১৭ অর্থ বছরে নির্বাচিত ১,৪২,০২৩ জন উপকারভোগী ভাতা গ্রহণের ৩ বছর মেয়াদ উত্তীর্ণ হয়েছে। তাই নতুন করে উক্ত সংখ্যক ভাতাভোগী নির্বাচনের কাজ চলমান আছে। শীগ্রই নতুন ভাতাভোগী নির্বাচনের কাজ সম্পন্ন করা হবে। এ পর্যায়ে সভাপতি বলেন যে, নতুন ভাতাভোগী নির্বাচন কিছুটা সময়সাপেক্ষ হলেও বিদ্যমান/চলমান ভাতাভোগীদের ভাতা এ অর্থ বছরে এখনো পরিশোধ না করা দুঃখজনক। তিনি বিদ্যমান/চলমান ভাতাভোগীদের ভাতা ৩০ নভেম্বর ২০১৯ এর মধ্যে পরিশোধ করতে এবং নতুন উপকারভোগী নির্বাচন আগমনী ১৫/১২/২০১৯ তারিখের মধ্যে সম্পন্ন করার জন্য মহাপরিচালক, মহিলা বিষয়ক অধিদপ্তরকে নির্দেশনা প্রদান করেন।

#### সিদ্ধান্তসমূহঃ

- (ক) সামাজিক নিরাপত্তা কার্যক্রম বিশেষত মা ও শিশু সহায়তা কর্মসূচি সুষ্ঠু বাস্তবায়নে মহিলা বিষয়ক অধিদপ্তরে MIS Cell গঠন করতে হবে এবং এ জন্য প্রয়োজনীয় জনবলের প্রস্তাব দুট মন্ত্রণালয়ে প্রেরণ করতে হবে।
- (খ) মাতৃত্বকালীন ভাতা কর্মসূচি এবং ল্যাকটেটিং মাদার সহায়তা তহবিল কর্মসূচি এর বিদ্যমান/চলমান ভাতাভোগীদের ভাতা ৩০ নভেম্বর ২০১৯ এর মধ্যে পরিশোধ করতে হবে।
- (গ) মাতৃত্বকালীন ভাতা কর্মসূচি এবং ল্যাকটেটিং মাদার সহায়তা তহবিল কর্মসূচির নতুন উপকারভোগী নির্বাচনের কাজ ১৫/১২/২০১৯ তারিখের মধ্যে সম্পন্ন করতে হবে এবং ডিসেম্বর ২০১৯ মাসের মধ্যে ভাতা পরিশোধ করতে হবে।

সভায় আর কোন আলোচনার বিষয় না থাকায় সভাপতি মহোদয় সকল কে ধন্যবাদ জ্ঞাপন করে সভার সমাপ্তি ঘোষণা করেন।

১২০১৯  
সেপ্টেম্বর  
(কামরূপ নাহার)  
সচিব